

道光
年
间

直隸
定
州
志

(下册)



九州出版社
JIUZHOU PRESS

道光己酉重修



皇朝通志

勞懃謹題



道光己酉重修



皇朝通志

勞懃謹題



人物

名宦

七六七

卷之十

人物

職官

八一

卷之十一

人物

九四一

鄉賢 忠

孝 孝女 孝婦 附義

九八三

卷之十二

人物

節烈 上

.....

一〇一七

卷之十三

人物

節烈

下

.....

一〇九五

卷之十四

人物

.....

一一三

仕進

封廕

.....

一一九三

卷之十五

人物

科舉

.....

一一二

卷之十六

人物

人瑞

文學

流寓

鑒戒

卷之十七

政典

祭祀

上○廟圖禮器樂舞圖附

卷之十八

政典

祭祀

下○北嶽廟圖附

卷之十九

二九七

三一

一三二九

一四五九

政典

.....
一四九九

公儀

學校

貢院圖附

風俗

物產

.....
一五二一

卷之二十

政典

.....
一五四一

賦役

戸口附

倉儲

兵防

屯田馬政附

祥異

.....
一六四一

卷之二十一

藝文

.....
一六五五

歷朝文

.....
一六五六

卷之二十二

藝文

.....
一八四七

本朝文

歷朝賦

古今人詩

.....

一九八七

四

直隸定州志卷之十一

人物

鄉賢

說者謂鄉舉里選之典廢而德位分人材替似已雖然士大夫克自樹立修之家者獻之廷沒而可祭於社安必異於古所云也若道榮而身瘁枯槁黃馘不易所守古之所謂隱君子者非其儔歟定州賢者如晉之越石唐之亢宗至今凜凜有生氣風泉雪海諸老於時世較近人尤能歷歷道之詩曰維桑與梓必恭敬止又曰雖無老成人尙有典型吾願近其居者

聞其風而興起也則鄉賢烏得而弗志

漢

田

叔

涇城人初為趙王郎中切直廉平趙王賢之未及遷會貫高等謀為亂事覺叔與孟舒等

十餘人赭衣自髡鉗隨王至長安貫高事白趙王得出乃進言叔等於上召見與語大悅拜叔為漢

中守文帝時孟舒為雲中守坐虜入塞免叔乃亟稱孟舒長者帝意解詔復其官景帝時梁孝王使

人殺袁盎帝召叔案梁還報帝曰其事安在叔曰上勿以梁事為也梁王不伏誅則漢法不行如其

伏誅而太后食不甘味臥不安席此憂在陛下也景帝大賢之以為魯相至魯多所規正數年以官

卒涇城在中山國。據史記本傳增補。

田

仁

叔少子叔卒魯以百金祠仁不受日不以百金傷先人名也仁以壯健為衛將軍舍人衛

將軍進言仁為郎中數歲至丞相長史其後使刺舉三河三河太守皆內倚中貴人與三公有親屬

無所畏憚仁既至三河太守皆誅死還奏武帝以爲不畏強禦拜丞相司直威振天下後丞相江充將兵捕太子使仁主城門仁以爲太子骨肉之親父子之間也縱之出武帝責丞相丞相以聞仁遂下吏死○據史記褚少孫補傳增補

劉子雍

有王佐才嘗與諸文學論鹽鐵深中利弊桓譚稱曰子雍言王道矯諸正彬彬然可謂宏

博君子矣惜不爲世用而卒○舊志隱逸部

劉祐

字伯祖中山安國人初察孝廉補尚書侍郎閑練故事每奏議應對無滯累遷揚州刺史

是時會稽太守梁某大將軍冀之從弟也祐舉奏其罪某坐徵還復遷祐河東太守時屬縣令長率多中官子弟百姓患之祐黜其權強平理冤結政爲三河表延熹中累官至大司農時中常侍蘇康管霸用事占天下良田美業民困甚祐移書所在依科品沒入之桓帝大怒論輸左校後赦出復歷三卿以疾辭歸田里每三公缺朝廷皆屬意以譖毀不用靈帝初陳蕃輔政以祐爲河南尹及蕃罹

難祐歸卒於家○本漢書黨錮本傳訂正

張

鈞

中山人延熹間為郎中時中常侍張讓等擅權黃巾作亂盜起鈞上書曰竊惟張角所以

作亂萬人所以樂附者皆由十常侍多放父兄弟婚親賓客典州郡權財利百姓無所告訴故謀議不軌聚為盜賊宜斬十常侍以謝百姓帝以鈞章示讓等皆懼詔視事如故鈞復上書不報詔廷尉侍御史考為張角道者遂誣鈞學黃巾道收掠死獄中○據後漢書宦者傳增補

魏

李

康

集林字蕭遠中山人性介立不能和俗著遊山九吟明帝異其文遂起家為尋陽長政有

美績○據昭明文選註增補

晉

劉

琨

字越石魏昌人中山靖王後少有才望年二十六為司隸從事惠帝幸長安時豫州刺史

劉喬攻范陽王虓琨與虓奔河北父母爲喬所執及虓領冀州遣琨詣幽州王浚乞師遂與虓共破東平王琳於廩丘南走劉喬琨始得其父母又斬石超降呂朗因統諸軍迎駕長安以勳封廣武侯永嘉元年爲并州刺史時并州饑荒寇賊縱橫琨剪除荆棘收葬枯骸勞來撫循流人稍復初河南徐潤爲琨所愛干預琨政令狐盛勸琨除之不聽潤潛盛於琨琨不察遂殺之盛子泥奔劉聰具言虛實會雁門烏丸反琨率精兵出禦聰遣子粲乘虛襲晉陽太原高喬以郡降聰琨父母並遇害琨引猗盧并力攻粲大敗之乘勝追之不能克琨志在復讎苦力弱移居陽邑城招集亾散愍帝時拜司空都督并幽冀三州軍事琨受都督剋期與猗盧討劉聰時猗盧父子病死部落四散琨子遵先質於盧眾附之及是遵帥盧眾來歸琨由是復振屬石勒攻樂平太守韓據求救於琨琨與勒戰敗并土震駭幽州刺史段匹磾欲與琨同獎王室琨率眾赴之建武元年琨與匹磾討石勒而匹磾從弟末波納勒賂不進琨子羣復爲末波所得約共襲匹磾事泄琨未之知也因來見匹磾遂爲所拘

會王敦密使至匹磾琨曰處仲使來而不我告是殺我也死生有命但恨讎恥未雪耳匹磾遂縊殺之後贈侍中諡曰愨

○本晉書本傳訂正

張

忠

永嘉之亂隱於泰山恬靜寡慾清虛服氣率子弟依崇巖幽谷其教以形不以言人有饋

者皆弗納或問以水旱之詳忠曰天不言而時行物生陰陽之事非窮山野叟所能知其遣情物外皆類此年則期頤而視聽不爽苻堅遣使徵之使者至謂弟子曰吾餘年無幾不可逆時主之意沐浴訖就車及至長安堅賜以冠服辭曰年朽髮落不堪衣冠請以野服見從之堅曰先生考槃山林研精道素獨善有餘兼濟未也故遠屈先生將任齊尚父忠曰昔避地泰山侶鳥獸以全朝夕之命屬堯舜之時思一奉聖顏年衰志謝不堪展效山棲之性乞還餘齒歸死岱宗堅不能奪以安車送之行達華山先嘆曰我東嶽道士沒於西嶽命也行五十里果卒。據晉書本傳增補

張

晏

守道不仕銳志稽古尤長於史學嘗註漢書行世其徒許堪劉策張綱郎苗與高允同時

辟徵允作徵士頌四人咸加評許則
晏之品格又可知矣。○舊志隱逸部

南北朝

甄

彬

有行業鄉黨稱善嘗以一束苧就州長沙寺
庫質錢後贖苧還於苧束中得金五兩送還

寺庫道人以其半酬彬不受往復十餘彬曰五月
披羊裘而負薪豈拾遺金者耶卒還金梁武帝布
衣時聞之及踐阼以西昌侯藻爲益州刺史乃以
彬爲府錄事參軍帶郫縣令將行同列五人帝誠
以廉慎至彬獨曰卿昔有還金之美故不以相屬
由此名德益彰及至蜀藻禮之甚厚。○據南史循
吏傳
增補

李

惠

中山人南郡公蓋之子思皇后之父性明決
魏世祖時累官至雍州刺史廳事有燕爭巢

累日令人掩獲命綱紀斷之並辭惠乃使卒以弱
竹彈兩燕旣而一去一留惠笑謂吏屬曰留者自
計爲巢功重彼去者經楚痛理無留心人有一負
鹽一負薪息肩樹陰將行爭一羊皮各言藉背之

物惠顧謂州綱紀曰羊皮可考知主乎咸無荅者
惠令人置羊皮席上以杖擊之得少鹽屑負薪者
乃伏罪由是吏民莫敢欺犯後仍以王爵刺青州
厯政有美績為文明太后所忌誣惠將南叛殺之
二弟與惠諸子皆死無覺遭慘天下冤
之○魏書本傳舊志藉作籍拷作考

劉策

中山人仕魏為東郡太守初顯祖時高允請
郡國立學每郡立博士助教等官從之策及

張綱郎苗俱被徵及允年老乃作徵士頌策與常
山許琛合頌其辭曰劉許履忠竭力致躬出能騁
說入獻其功輔軒一舉撓燕
下崇名彰魏世享業亦隆

張綱

中山人仕魏為大將軍從事中郎高允徵士
綱頌與張誕王道雅閔弼合頌其辭曰張綱柔

謙叔術正直道雅洽間弼為兼識拔萃衡門俱漸
鴻翼發憤忘餐豈要斗食率禮從仁罔愆於式失
不繫心得
不形色

郎苗

中山人仕魏為衛大將軍從事中郎徵士頌
曰郎苗始舉用均已試智足周身言足為治

性協於時情敏於事於今而同於古曷異○以上三人俱本魏書高允傳增補

劉桃符

盧奴人性恭謹好學舉孝廉射策甲科魏正始中除中書舍人以勤明見知久不遷職世

宗謂之曰揚子雲爲黃門頓歷三世卿居此任始十年不足辭也東豫州刺史田益宗居邊貪穢世宗詔桃符慰喻之還稱益宗老耄而諸子非理處物世宗欲代之恐其背叛拜桃符征虜將軍豫州刺史與後軍將軍李世哲襲之桃符善恤蠻左爲民吏所懷久之徵還病卒○據魏書本傳訂正

甄密

琛從父弟字叔雍清謹少嗜欲頗涉書史魏太和中奉朝請密疾世俗貪競作風賦以見

意後參中山王英軍事英鍾離敗退鄉人蘇良沒於賊手密盡私財贖之良既歸傾資報密密不受日濟君之日本不求貨豈相贖之意也肅宗末累遷通直散騎常侍冠軍將軍時賊帥葛榮侵擾河北裴衍源子邕敗沒人情不安詔密爲相州行臺援守鄴城莊帝卽位以密全鄴之勳賞安市縣開國子食邑三百戶孝靜初遷車騎將軍延尉卿在官有平直之譽卒諡曰靖子儉官至前將軍大中